

DIE XXII. OCTOBRIS.

IN FESTO

S. SALOME VIDUÆ,

OMNIA DE COMMUNI SANCTARUM
nec Virginum, nec Martyrum, præter, ea,
quæ sequuntur.

In utriusque Vesperis,
& Laudibus:

HYMNUS.

ISTA, quam læti colimūs
fideles

Sedibus celsis superum lo-
caram

Est decus nostrum, quia
Mater extat

Alma Jacobi.

Hæc Dei cultrix Salome vo-
cata

Sancta Zebedæo quoque
iuncta Sancto

Conjugem, caramque do-
mum reliquit

Affecta Christi.

Persistit constans, Cruce non
recessit

Territa, aut illo moriente,
fugit

Curat & funus Domini,
& sepulcrum

Fervida visit.

In pia, ò nostri Genitrix
Patroni

Filii, cunctos refove Clie-
tes

Semper, ut nostro capití
queamus

Vivere iuncti.

Si decus Patri, Genitæque
Proli,

Et tibi compar utriusque
virtus

Spiritus semper Deus unus
omni

Temporis avo.

Amen.

A

AD

AD MAGNIFICAT,
Antiphona.

Accessit ad Jesum Mater Filiorum Zebedæi cum Filiis suis adorans, & petens aliquid ab eo.

Oratio.

Domine Jesu, pro cuius amore Beata Salome inter primas tibi fideles omnia dimisit, & te sepulcrum venerari curavit, concede propitius, ut ejus imitatione tecum consepulti æternæ Resurrectionis participes effici mereamur. Qui vivis, & regnas.

AD MATUTINUM.

Hymnus.

Gratum diem Sol extulit,

Quo valle rapta sæculi
Alma Sionis filia

Æterna captat gaudia.

Amore Christi saucia

Corpus cucurrit ungere

Vivum sequuta mortuo

Piis parentat ritibus.

Quam vivus ipse traxerat

Odore virtutum sacro,

Isthæc vicissim comparat
Flagrans sepulcro balsamum.

Omira fors! O gaudium!
Cui sic studebat mortuo,
Vivum è sepulcro conspicit,

Suaque tangit dextera,
Summo Patri cum Filio,
Sanctoque sit Paraclito
Æterna laus, & gloria
In sæculorum sæcula.
Amen.

IN II. NOCTURNO.

Lectio iv.

Salome uxor Zebedæi, & perillustrium Apostolorum Jacobi Majoris, & Joannis Evangelistæ spectabilis Mater una fuit ex primis sanctis mulieribus devotissimis Christi sequacibus, quæ tanta eluxit fide, ut ætate nitet longæva, & omni destituta solatio, libenter adhuc pateretur Liberos illos, à quibus unicum sperabat auxilium, abesse sibi, ut Christo adhererent, & tempore prædicationis suæ eidem adhererent. Rogante tamen ipsa

Christi-

Christum Jesum, ut Filiis suis primas sedes in Regno daret, interrogavit Christus ejus Filios, num calicem, quem bibiturus esset, bibere & ipsi potuissent. Illisque paratos sese exhibentibus. Christus inquit: Calicem meum bibetis; sedere autem ad dexteram meam, vel sinistram, non est meum dare vobis, sed quibus paratum est à Patre meo.

Propter veritatem, &c.

Lectio v.

Fuit etiam Beata Salome una ex illis mulieribus, quæ insigne Fidei suæ specimen dederunt, cum Jesum Christum ad Calvarium tendentem, & in patibulum Crucis elatum comitatæ sunt. Una etiam fuit, quæ comparatis aromatibus ad condendum corpus Christi sub aurora Dominicæ diei ad ejus monumentum accedens Angelum ibi vidit fulgenti facie, & candida veste super lapidem sepulcri sedentem, à quo primum audivit Jesum resurrexisse, & digna insu-

per fuit, ut ab Angelo una cum aliis duabus mulieribus eligeretur in Nunciam Mysterii Resurrectionis Christi Monitura Discipulos, ut in Galilæam pergerent, si eum vellent redivivum videre.

Dilexisti justitiam, &c.

Lectio vi.

Proficiscenti Beatæ Salome una cum sociis suis ad Angeli mandatum implendum, occurrit Jesus in itinere redivivus, & benignissimum eis Ave dixit, cujus quidem glorioso aspectu primum perterrita, mox recreata se humi prosternens, eum adoravit, & quem flagrantissimi amoris desiderio paulo ante quæsierat, sed non invenerat, non solum videre tunc, atque audire, verum etiam, & propriis manibus pedes ejus tenere meruit. His Cælestibus donis ditata, constans in Fide, Spe dives, Charitate potens, persecutiones invicta superans, usque in finem perseverans, ad Cælestia Regna migravit.

Fallax gratia.

A 2

IN

IN III. NOCTURNO.

I lectio S. Evangelii secundum
Matthæum. Cap. 20.

IN illo tempore : Accessit
ad Jesum Mater Filiorum
Zebedæi cum Filiis suis ado-
rans , & petens aliquid ab
eo. Et reliqua.

Homilia Sancti Fulgentii
Episcopi.

Sermone de Filiis Zebedæi.

QUI sedet super Cheru-
bim apparet coram
Ephraim , & Benja-
min , & Manasse. Hoc audie-
rat , & legendo didicerat
beata Mater Filiorum Zebe-
dæi , & intellexit Dominum
super Cherubim sedentem,
quia magnam possidet digni-
tatem. Accedit illuminanda:
adorat ut ancilla. Postulat
non dona terrena , sed vota
Cælestia. Dominus est enim
Cælorum , à quo cæleste fla-
gitat desiderium. Dic , in-
quit , ut sedeant hi duo Fi-
lii mei unus ad dexteram
tuam , & alter ad sinistram
tuam in Regno tuo. Dic,

inquit , in verbo tuo , & ef-
fectus proficit voto meo. Di-
xisti , & factum est Cælum.
Dic , & parabitur Filiis meis
Thronus claritudo throno-
rum. O Mulier condicione!
Sed , quia Mater es picta-
te , humanam supergressa es
dignitatem. Christus de Cru-
ce prædicabat , & illa im-
perium cognoscebat. Ille di-
cebat : Ecce ascendimus Je-
rosolymam , & filius hominis
tradetur , ut crucifigatur : &
illa interpellatrix accesserat
dulcium filiorum. O Mulier
Filiorum beata Sanctorum
meritum præcessisti Beato-
rum , & honorem præter-
gressa es Angelorum : Non
tibi sufficit , quia Filios tuos
feci excelsos Prædicatores,
quos inopes nutrieras pesca-
tores ? Post retia Cælum : post
hamum Evangelium : post na-
vicelam postulas thronum?

ꝛ. Os suum aperuit.

Lectio viii.

Domini etiam vox est
monentis , terrentis,
idque firmantis. Vigilate , in-
quit , & orate , ut digni effi-
cia-

Lectio iv.

etiamini effugere omnia , quæ
ventura sunt , & stetis ante
Filiū hominis. Et tu filiis
tuis thronos postulas majes-
tatis ? Da veniam , Mater , ad-
mirantes ista dicimus , non
culpantes. Noli , inquit , bea-
ta Mater : noli tamquam
impossibile me cupidam
judicare. Dominus mihi tri-
buit istam avidam volunta-
tem , qui Regni sui diligit
violentos , & solos odit , qui
potentari cupiunt super ege-
nos. Regnum , inquit , Cæ-
lorum vim patitur , & qui
vim faciunt diripiunt illud.
Quia hoc dignatur amare,
hoc ab eo ausa sum postula-
re. Ab illo audivi : petite,
& accipietis , quærite , & in-
venietis , pulsate , & aperie-
tur vobis. Dum patet , pul-
so : dum accipere licet , pe-
to : dum tempus est , quæro.
Audivi etiam dictum. Quæ-
rite Dominum , dum inveni-
ri potest , ne tunc quæra-
tis , quando inveniri non po-
test.

ꝛ. Regnum mundi.

MOdo , modo , dum in
forma apparet servi-
dum patiens : est usque ad
mortem Crucis , dum priva-
tum gerit vultum , & nec
dum incensæ sunt ab illo
scintillæ carbonum : Cate-
rum , cum coeperint præce-
dere venientem Angelum tu-
bæ , & voce magna , quan-
do virtutes Cæli commove-
buntur , interpellatio ibi quid
faciet mulieris ? Dum commo-
vebitur ignis in circuitu ejus,
& tempestas valida , mea
quid prævaleant desideria?
Potero ad igneum accedere
Thronum , congregatis ad ju-
diciū Legionibus peccato-
rum. Ideo modo videns cum
in ista humilitate , istam præ-
ripere cupio sponsonem ; sed
Dominum meum audiam res-
pondentem : Dic , jam Domi-
ne , ut sedeant tecum filii
mei in lateribus Regni tui.

Te Deum laudamus.

AD BENEDICTUS.

Antiphona.

Dic , ut sedeant hi duo Filii
mei

6
mei unus ad dexteram tuam,
& unus ad sinistram in Reg-
no tuo.

Oratio ut supra.

Missæ: Cognovi Domine,
de Comuni:

Oratio, & Evangelium ut
in Officio.

IN SECUNDIS VESPERIS,

Ad Magnificat, Antiphona:

Q Beata Salome pacifica Fi-

liorum Tonitru Mater, quo-
rum qui primus omnium
Apostolorum calicem Domi-
ni bibere meruit, fidei pro-
pugnator, & Hispaniæ Pa-
tronus colitur; qui supra
pectus Domini in Cœna re-
cubuit, ab ipso suæmet Vir-
ginis Matris Filius constitui-
tur.

Alleluia,



HIS-

HISPANIARUM.

ENixis precibus Rmi. Archiepiscopi, & Capituli Compostellani
Sacra Rituum Congregationi supplicantium pro approba-
tione supra scripti Officii, & Missæ propriæ S. Salome Viduæ,
necnon elevatione Ritus ejusdem Officii, & Missæ ad dupli-
cem secundæ Classis quoad Civitatem, & Diocœsin Compostel-
lanam, ac pro elevatione ejusdem Ritus ad duplicem Majorem
pro aliis omnibus Dominiis Serenissimo Catholico Regi subjectis;
inherentibus quoque ipsius Catholice Majestatis precibus, Sacra
Congregatio, audito prius R. P. D. Cajetano Forti, Fidei Pro-
motore ad relationem Eminentissimi, & Reverendissimi Domi-
ni Cardinalis Paulatii Ponentis, petitum Officium, & Missam
propriam approbavit, eaque recitari, & respectivè celebrari sub
enuntiatis Ritibus Oratoribus benigne concessit. Die 28. Augus-
ti 1762.

Joseph Maria Cardinalis Feronius,
Præfectus,

Loco ✠ Sigilli,

J. Burgessius:
S. R. C. Secretarius.